



PAMFLET  
1207











1602 21

FRANCISCI GOMARI  
ORATIO  
FVNEBRIS,  
IN

*Obitum nobilitate, doctrina & pietate,  
celeberrimi viri,*

D. FRANCISCI IUNII,  
Theologi eximij, ductoris ac Doctoris in Academia  
& Ecclesia Leydensi præstantissimi:

*Habita à funere, in auditorio publico Academiae Leydensis,  
die VII. Kal. Novembris, Anno clō. Iō. c. II.*

*Iesaias Cap. LVII. V.*

Iustus perit & nemo homo reponit in animo: homines, inquam,  
benigni recipiuntur nemine advertente, ante  
aduentum ipsius mali recipi iustum.



LUGDUNI BATAVORUM,  
Ex Typographeio Christophori Guyotij,  
clō. Iō. c. II.

1207



FRANCISCI COMARII  
ORATIO  
FVNERIS.

IN

Optima nobilitate, doctrina & pietate,  
celeberrimi viri,

D. FRANCISCI JUNII,

Theologi eximij, doctoris ac Doctoris in Academia  
& Ecclesie Leydeni praeclarissimi:

Tabula & sermo in auditorio publico Academiae Leydenae  
die vii. Julij. Novemb. Anno clo. lxx. ii.

Propterea quod in auditorio publico Academiae Leydenae  
die vii. Julij. Novemb. Anno clo. lxx. ii.  
ad hunc ipsum locum missi sunt.



Ex Typographo Christophori Guyotij  
clo. lxx. ii.



FRANCISCI GOMARI  
O R A T I O  
FVNEBRIS,

I N

*Obitum nobilitate, doctrina & pietate,  
celeberrimi viri,*

D. FRANCISCI IUNII,

Theologi eximij, ductoris ac doctoris in Academia  
& Ecclesia Leydenſi præſtantiffimi:

*Habita à ſanere, in auditorio publico Academia Leydenſis,  
die VII. Kal. Novembris, Anno cIo. Io. c. II.*



QVAMVIS magnifice domine Rector, ampliffima  
hujus urbis Magistratus, Collegæ honorandi, nobi-  
liffima & doctiffima auditorum corona: quamvis  
(inquam) ego nec ingenio, nec eruditione, nec elo-  
quentia, cum ijs qui confederunt, fim comparandus; dabitis  
mihi tamen, uti ſpero, pro ſolita facilitate veſtra, veniam, quòd  
ad dicendum, officij neceſſitate pertractus, acceſſerim. Quum  
enim redeamus à clariffimi, doctiffimi atque optimi viri, domini  
doctoris Franciſci Iunii, maximi hujus Academiae ornamenti,  
funere, quod luctuoſam nobis dicendi materiam ſuppeditat,  
non exiſtimo quenquam veſtrum, auditores humaniffimi, valdè  
miraturum, quod hæce partes, pro tenuitate mea, conſenſu  
ſenatus Academiae honorandi, in me ſuſceperim. Nam ſi diſ-  
cipulus præceptorem, ſi affinis affinem, ſi collega collegam,  
revereri ac colere tenetur; ingratiſſimus fim, niſi præceptorem  
meum chariſſimum, affinem conjunctiſſimum, collegam hu-  
maniſſimum, hoc ultimo honore & amore fuerim proſecutus.  
Quum verò mihi de vita & morte illius videam, pro more diſſe-  
rendum,

A 2



rendum; priorem argumenti partem adeo accuratè & neruofè ipsemet pertractavit & expolivit; ut de Iunij vita, post Iunium, dicere, nihil fuerit aliud, quàm tabulis Apelleis manum apponere, & post Homerum, Iliadem meditari. Quum enim anno Christi millesimo, quingentesimo, nonagesimo primo, per Belgium in Galliam, regis mandato, esset rediturus, omnem vitæ suæ, inde à maioribus & ineunte ætate, rationem Francofurti in nundinis, non ambitione abreptum, sed prudenti liberorum amore & cura ductum, scribentem vidi. Ut nimirum, si quid ipsi forte humanitus in via evenire, thaberent liberi teneriores, à patre viduo, certum aliquod vitæ paternæ & maiorum monumentum: quo sese possent confirmare paternisque vestigijs eo peritius ac melius insistere. Quod scriptum postea à clarissimo jurisconsulto Doctore Paulo Merula, nunc magnifico Academiae hujus Rectore, pro intima ac mutua erga D. Iunium amicitia, lectum & publico bono in lucem datum. Hac igitur mihi adempta propositæ materiæ parte, altera superest, nempe ut de morte illius, nobis tristissima, illi vero acceptissima ac felicissima, paucis, non ad gratiam aut pompam, sed ad ingenuæ veritatis normam, pro modulo nostro, differamus. Interim vos etiam atque etiam rogo, auditores ornatissimi & humanissimi, ne orationem copiosam, disertam & elegantē expectetis: sed ut brevem, tenuem & impolitam ingenij mei tenuitati, temporis angustiae, & iusto dolori tribuentes, attentè bonaque cum venia audiat.

Antequam verò de morte viri, doctrina & pietate toto orbe celeberrimi, verba faciam, paucis primùm mortis piorum felicitatem demonstrare conabor: ut perniciosam eorum, qui summum omnium mortalium malum & miseriam morte contineri arbitrantur, opinionem convellamus, & hac via beatissimam piæ defuncti conditionem declaremus. Ne quis verò nos in ipso limine, durius impingere suspicetur, fatemur quidem mortem privationem esse vitæ, quæ in hominibus à peccato ducit originem, tanquam miserum illius *ὁ πόρος* & caducæ hujus vitæ venenum:



venenum : verumtamen exitiosa ejus vis adeo Christi morte devicta & oppressa est, ut pijs non amplius sit venenum, sed antidotum salutare: ut meritò sapientis illud tragœdi dictū habeat locum, τὸ γὰρ θανάειν καὶ αὐτὸν μὲν ἰσὺν φάρμακον. Quis enim ignorat, malum nullum esse aliud, præter iniustitiam & affecclam illius poenam? At pij, ut utroque in hac vita laborant, ita morte sua ab utroque liberantur. Quoniam iniustitia ( quæ nihil est aliud, quam ἀνομία, qua id detrahitur, quod Deo, aut homini, Dei imagini, debetur) alia nobis innata est, alia ex ea enata. Illa à primis nostris parentibus deriuata animoque insita, in mentis tenebris & voluntatis affectuumque depravatione consistit, & ita profundè ac pertinaciter inhæret, ut lerna omnium malorum & foecunda mileriae humanæ genetrix non immeritò possit appellari. Adeo ut, licet nec originem, nec magnitudinem hujus innatæ iniustitiæ, viderit summus orator Isocrates, sapienter tamen & Philosophis plerisque sanctius iudicavit, quum hanc naturæ nostræ agnovit pravitatem & vix nostra diligentia superari posse asseruit. Ac quamvis pij, Spiritus Christi beneficio, in hac vita, correctæ hac naturæ perversitate, renati sint; hærent tamen ad mortem usque infestæ & infestæ illius reliquiae: ad exercitium humilitatis & ad certamen. Non secus atque olim Israëlitis, occupata Chananæa & superatis hostibus, pars aliqua remansit, qua erudirentur ad timorem Dei & ad pugnam. Hujus innatæ iniustitiæ & mali magnitudinem detegit ac demonstrat apertissimè, quæ ex illa copiosè pullulat & enascitur, iniustitia. Hinc enim promanat primùm celebris illa affectum, contra rectam rationem, concertatio: ut videamus meliora & probemus, deteriora verò persequamur. Hinc etiam secundo loco succedit, tam rationis corruptæ, quàm affectuum, adscitis etiam corporis instrumentis in subsidium & arma iniquitatis, adversus Dei veritatem & voluntatem conflictus. Quo, ut impij omnino contra Deum cæci in perniciem suam præcipientes ruunt: ita pij, cum gemitu, adversus hydram hanc plus quàm centicipitem, Spiritu decertant. Victus est Dei re-



rumque divinarum contemptus : oritur de omnipotentia, iustitia, bonitate, & veritate illius dubitatio. Depressum hoc malum : exsurgit avaritia. Hæc sublata : succedit superbia & profusio : accedit voluptas. Retusa est adulatio : enascitur ira, odium, maledicendi libido, aliaque ejus generis vitia innumera. Adeo ut non frustra, vir aliqui sanctissimus & divinas, hujus innatae & enatae iniustitiae memor & pugnam illius cum Dei lege & Spiritu sentiens ac describens, exclamarit, *me miserum! quis me liberabit ex hoc corpore mortis?* Hæc gemina iniustitia efficit, ut vita hæc pijs non sit vitalis, & ut mortis, tam acerbæ infidelibus, cogitatio non mordeat; sed ad eam hilares, tanquam ad mali levamen & miseriarum portum, adspirent. Hac via iniustitia nostra conficitur, qua à Deo dissidemus : hac perficitur iustitia, qua ei similes evadimus. *Mors* enim (ut eleganter, de pijs loquens, ait Ambrosius) *finis est, non vitæ, sed culpæ.* Quis igitur piorum mortem miseram, ac non potius felicem, existimet? Præsertim quoniam non solum ab iniustitiæ, sed etiam ab illius poenæ malo, nos immunes reddit. Nam, ut vitam ab ejulatu auspicamur, sic infinitis animi & corporis difficultatibus, morbis, cruciatibus, iniurijs, Sathanæ mundique insultibus, vitam perducimus : quibus, tanquam fluctibus crebris ac decumanis, pene obruimur. *Nemo enim est quem non attingat dolor : dicique beatus* (si hujus vitæ bona spectemus) *ante obitum nemo supremæque funera debet.* Unde celebres illæ priscorum sapientum derivatæ sunt sententiæ, *Homo bulla* : Vitam esse *κέρρον, σκίαν* : imo *κέρρον σκίαν*. *Optimum esse non nasci : proximum, natum mori.* Quod sanè de impijs longè verissimum : & de pijs, si hujus tantum vitæ cancellis hominem definiamus. Verùm, quia, ab omnibus hisce malis, pij morte eximuntur, plenius ac sanctius, correctæ hac sententia, dicimus, *Bonum nasci : melius piè vivere : optimum ita mori.* Non igitur mala est piorum mors, ut falsò impiorum vulgus opinatur; sed, ut cum sapiente vate dicam, *Bona mors est, quæ exstinguit vitæ mala.* Imo verò quæ ad perfectam felicitatem communis via : animæ primum, deinde corporis. Quippe,



Quippe, ut *vita hujus principium mortis exordium est*, ut rectè Prof-  
per monuit, ita mortis nostræ exordium vitæ melioris est prin-  
cipium. Nec enim quod vulgò feritur, *mors ultima linea rerum est*.  
*Sunt profecto aliquid manes, lethum non omnia finit, lucidaque cur-  
etos effugit umbrarogos.* Anima enim à corporis & peccati vincu-  
lis ac carceribus emissa, pura puta migrat ad auctorem suum &  
ad destinatam in coelis vitam æternam. Vbi scientia, sine igno-  
rantia: amor, sine furo aut vitio: gaudia, sine dolore, sine fastidio,  
sine termino. Ad quorum præstantiam, nec sensuum vires, nec  
intellectus nostri acies pertingunt. Corpus verò morte tritum  
non interit, sed nudum, seminis nudi instar, terræ inditum  
quiescit; donec Spiritus vivifici efficacia, messis & reditus Christi  
tempore, immortale, glorioso illius corpori conforme, victa  
morte, suscitetur. Hoc evincit Dei iudicis universi & Serva-  
toris nostri iustitia & gratia: hoc postulat & meretur Christi, ca-  
pitis nostri, resurrectio & gloria: hoc denotat frequentissima  
somnia & quietis cum morte, in sacris paginis, similitudo. Nec  
audimus hinc profanum illud hominis impuri iudicium, *Soles  
occidere & redire possunt nobis: at simul occidit brevis lux, nox est per-  
petua una dormienda.* Perpetua enim non est, quæ solis iustitiæ  
reditu & lucis vitæ immortalis restitutione discutitur. Rectè, ut  
omnia, Cyprianus, *Quis hic anxietatis & solitudinis locus est?  
quis inter hæc trepidus & mæstus est, nisi cui spes & fides deest?* Facebat  
igitur impiorum sententia, qui mortem omnium, piorum et-  
iam, miseram arbitrantur, & hominum felicitatem mortalis hu-  
jus vitæ terminis metiuntur & includunt. Felices contra, qui  
in hujus vitæ statione divinitus collocati, eam, donec à summo  
imperatore fuerint evocati, constanter tuentur, Spartamque,  
quam nacti sunt, pro virili adornant, & ad mortem, tanquam  
malorum omnium levamen, & beatæ immortalitatis viam,  
adspirant!

Qualis nobis omnibus exemplo conspicuo & illustri præiit  
clarissimus & integerrimus Theologus, Academiæ hujus verè  
corculum & ocellus, doctor Franciscus Iunius. Qui nobili fa-  
milia

super



milia natus, nihil pietate ac cognatione Dei nobilius, nihil sacram literarū studio antiquius, nihil pia morte felicius, iudicavit. Testantur id, anteaetæ vitæ honestissimæ rationes omnes luculentissimè : attestantur Ecclesiæ Belgicæ, Germanicæ, Gallicæ, quibus operam, cum summis difficultatibus & frequentissimis vitæ periculis, fidelissimè impendit : summas eas opes arbitrat & honorem, si quàm latissimè regni Christi pomœria propagaret ac stabiliret. Novit id civitas Otterburgensis, quæ lunium suum *ὀμίστην* & coloniæ Leodiensium ductorem ac doctorem, imo pastorem & parentem dilectissimum, agnoscit. Qui, ne Ecclesiæ illi initio, ob exilium, pauperi esset gravis; nocturna opera & insolito manuum opificio, quæ ad victum deerant, Pauli Apostoli exemplo, quæritavit ac supplevit. Bonis verò, quæ in Gallia suppressa erant temporum iniuria, tandem restitutis, & frugalitate ac diligentia re stabilita, eundem tamen erga Ecclesiam animum conservavit. Quam fidem erga Christi gregem, si ego silentio præterirem, nunquam tamen silerent Brabanti, Flandri, Leodienses, Palatini, Galli, Batavi, Zelandi, Ultrajectini, quos doctrina & consilijs suis saluberrimis plurimum adiutavit. Loquerentur Angli, Poloni, Hungari, Transylvani : loqueretur denique orbis Christianus universus, quem voce, literis ac scriptis suis doctissimis indefesso studio erudit & instruxit. *De quibus* (quod de Cartagine prudenter ait Salustius) *Satius est silere, quàm pauca dicere.* Quidquid enim in medium protulero, illud nec rei præstantiam, nec vestræ memoriæ & conscientiae accurationem, assequetur.

Relicta igitur vitæ anteaetæ mentione, ad *κατὰ ἐξομ* & exitum, Iunio quidem optatum ac felicem, nobis verò luctuosum, transeamus.

Nam, quid felicius esse potest homini Christiano, quàm ut pia vita, ad piam migrationem, quocunque tandem casu aut morbo, pertingat? *Omnibus enim est eadem lethi via, non tamen unus est vitæ cunctis exitiique modus.* Et ut varij varijs temporibus morbi grassantur, notum est, proh dolor! quàm longè lateque



ORATIO FVNEBRIS.

reque pestis contagio ubique serpat ac læviat, quam improvise  
& vehementer quosvis invadat: quia Deus optimus maximus  
& impios ferit, ut iuste affligat: & pios exercet, ut aut corri-  
gat, aut, punita mundi ingratitude, malisque ingruentibus  
ereptos, ad meliorem vitam traducat. Ac vix quenquam ex  
indigenis aut incolis esse arbitror, quin iacturam aliquam ab  
hac contagione, in se, aut in suis sentiat: ita ut eorum tempo-  
rum, quibus Cyprianus vixit, & multa piorum millia hac lue  
absumpta sunt, expressam comperiamus imaginem. Hoc etiam  
morbo, non mirum (quo & David & Ezechias olim fuerunt  
tacti) correpta prius, quam fallacis huius mali speciem fense-  
rit, honestissima matrona uxor Iunij charissima, quamque ob  
pietatem, prudentiam, & in se ac suos amorem singularem, ma-  
ximi semper fecit. Hinc *ut ignota & neglecta solent incendia su-  
mere vires*, contagio morbi maritum prius invasit, quam peri-  
culi magnitudinem satis cognosceret, & post biduum sub me-  
ridiem diei Octobris vigesimi, qui fuit Dominicus, tanquam  
cælestis Domini nutu & nuncio, ad Domini sui requiem, cla-  
rius fuit invitatus. Sensit imperterritus clementem Domini ma-  
num, & ut constanter uxoris dilectissimæ morbum tulit, ita  
suum pertulit animi robore solito & invicto. Nam, ut civem ac  
vicinum honestissimum Fabianum & me, qui pro amore & of-  
ficio eodem die invisi, prætermittam, norunt honorandi domini  
collegæ doctores Vorstius & Bontius, qui fidelē ei medicinam  
fecerunt, & qui Iunium eiusque conjugem eodem die invisit  
Clarissimus doctor Pavius. Quorum humanitatem ac fidem in  
adversis, ut grato animo agrum prædicantem audivi & conju-  
gem, ita præterire silentio, nec possum, nec debeo. Iuvat me  
etiam recordatio constantiæ illius, qua, quum meam *suaviter*  
illi, præsentē Iohanne Casimiro filio, cognato meo charissimo,  
explicarem, sedato & leni vultu, *utile est ait, ut grato animo Dei pa-  
tris ferula manum submittamus: videt ille & curat, quod nobis est sa-  
lutare.* Altero die qui fuit Lunæ, morbus, qui pridie se bu-  
bone patefecerat, intus & foris ardore & languore acrius instare  
B coepit:



cœpit: adeo ut ægrum jam postratum, lecto fortius affixerit; sed animum illius, fide & spei anchora fultum, non deiecit, nec imminuit; sed (ut gubernatorem tempestas & militem acies probat) fortem & invictum demonstravit. Norunt id domestici & alij, qui accesserunt. Nam mane & vesperi adeuntem me & concurrentem symmystam charissimum D. Trelcatium, morbi importunitas exclusit: unde una ad reverendum senem, & Ecclesiæ Pastorem D. Thomam Spranchusium (nunc quidē beatorum in cælis, sed tunc cum eodem morbo conflictantem) invifendum, defleximus. Norunt (inquam) domestici & alij nonnulli, quanta tranquillitate, neglecta rerum terrenarum cura, sese totum illo die composuerit ad vitam cælestem. Norunt, ut nostrates fileam, illius populares, juvenes ornatissimi, qui ex universa Gallia, fama & amore Iunij accensi, frequentes in hanc Academiam, tanquam ad bonarum literarum mercatum, confluxerunt, & ut parentem alterum colentes, observantiam ac fidem suam consolatione ac præsentia sua comprobarunt. Nec tu quoque ea ignoras humanissime Iohannes Lati, qui & vivo & vita functo doctori Iunio, cum parentibus tuis honestissimis plurima grati erga bene meritum animi argumenta declarasti. Porro die Martis gravius etiam morbo sæviente laborare cœpit atque amplius affligi, luis vehementia omnem medicinæ opem pertinaciter respuente: attamen fortissimus noster athleta, in hoc duro conflictu, non victus, sed probatus, nullis usus querimonijs aut motu, rupis instar indomitus, fractis morbi fluctibus, in Deo & Servatore suo adquievit. Nam quum sub meridium ipsum salutare & paucis consolarer, respondit *se in Deo adquiescere Deum quod esset salutare clementer perfecturum ad suam gloriam*. Sciebat enim aureum illud antiqui ac pij doctoris dictum esse verissimum, *Mortalitas ista, ut Iudæis & Gentilibus & Christi hostibus pestis est: ita Dei servis salutaris excessus est*. Sciebat, pro sua sapientia & pietate singulari, nihil esse stultius, nihil indignius, quàm, ad præmia cælestia, non obsequio voluntatis adcurrere; sed necessitatis vinculo invitum trahi. Quamobrem

obrem



obrem eadem animi usus tranquillitate ac fidei constantia ad posterū diem Mercurij in caloribus illis perduravit, morbo magis magisque invalescente. Aduersus quem insomnis partim verbi divini gladio (quem ex sacro Psalmorum & primæ ad Corinthios epistolæ armario, per ornatissimum & fidelissimum juvenem Samuelem Riverium curavit depromi) partim pio precum ardore, quem manibus junctis, vultu ad cælum sublato & conjunctis suspirijs testatus est, tota illa nocte concertavit. Illud mihi tunc incommodi acciderat, quòd (quū pridie diei Martis, intempesta nocte, rogatu conjugis illius afflictæ, ad eam, licet in fide & spe constantem, amplius sæviente morbo consolatione sublevandam, essem accitus) cogerer, nocturna coeli intemperie offensus, sumpta post modū medicina, die Mercurij domi me continere. Ne tamen officio deessem, vocavi ad me, pro familiaritate nostra, D. Lucam Trelcatium ac rogavi, ut pro sua constantia ac benevolentia, meas apud Affinem graviter agrotantem partes subiret & ultimum illud viro eximo optimeque de Gallica Ecclesia merito officium præstaret. Non gravatus annuit & ultro quoque eo propendens adiit; sed (partim, quòd æger quietis amans consolatoris fidelis ac pij adhuc præsentis sermonibus detineretur; partim, quòd & ille & conjunx hoc sedulo semper curarunt, ne non necessaria visitatione contagio serperet latius, præsertim in viros Ecclesiæ adeo necessarios) monitus est non esse opportunum. Hoc nuncio ad me perlato, officij conscientia & amore accensus, malui me cæli inclementis ac procellosi injurijs exponere, quàm ut summum virum & affinem optimè de me meritum, cognito periculo in extremo, defererem. Accessi igitur, & à filio intromissus, vacuum à salutantibus & vultu constanti præditum reperi; sed viribus prostratis. Monui non opus esse multis verbis, quòd scirem ipsum reconditum & instructissimum habere apud sese consolationum penu: inde, quæ alijs toties exposuerat, sibi apponeret, iisque in adversis sese confirmaret. Meminisset se Deum habere propitium in coelis patrem, Christum Servatorem, coelum pa-



triam & hereditatem, arrihabet illius in corde Spiritū sanctum, mortem ad cœlum & vitā immortalem viam. Hac fide, hac spe se sustentaret. Ibi vir constantissimus respondit, *eorum quæ alios docuisset probè esse memorem & observantem: in Dei gratia se omnino adquiescere: Deum quæ ipsi essent salutaria perfecturū.* Ita lubenter & iisdem consolationum capitibus, diversis temporibus repetitis, sese ad mortem imo ad vitam meliorem comparavit. Rogatus à me, num quid vellet de liberis aut alijs rebus significare ac mandare: excepit, *se de rebus caducis eo tempore minimè cogitare. Unum tantum velle monere, se sua omnia studia ad bonum publicum direxisse: videre laboraturam gravissimè facultatem nostram, officium facerem diligenter ac fideliter: & si in consilium ab illustribus dominis Ordinibus aut dominis Curatoribus adhiberer, aut eos compellendi esset occasio, sincerè ac sanctè iudicium exponerem, ac rogarem, ut, ad maximam utilitatem & honorem Academia, facultati nostræ & Academiae prospiceretur. Reliqua providentiæ divinæ committerem.* Ita ne in vitæ quidem termino, reipublicæ amantissimus, Academiae curam abiecit. Ut meritò, si verum est illud Comici, τὰτ' ἐστὶ τὸ ζῆν ἐχ' αὐτῶς ζῆν νόνον, Iunium, dum vixit, vere vixisse dici possit. Hisce absolutis & promisso officio, observantia erga majores & fide erga publicum, arrepta languente & jam frigida manu, moestus (quod venenum ad intima cordis penetralia se recipere persentiscerem) ac sumpta medicina domum retractus, valedixi sub meridiem. Paulo post spiritu bis terve leniter attracto, anno ætatis quinquagesimo septimo animam placidissimè efflavit & in Dei, ad requiem suam æternam evocantis, manus lubens reddidit. Audivistis nobilissimi amplissimi, ornatissimi Auditores, nudam ac sinceram obitus, Theologi vestri præstantissimi & viri optimi, historiam. Ex qua satis liquere arbitror, mortem illius esse ipsi felicissimam: quoniam pie vixit, & pie vitam mortalem ejusque mala cum morte vitali & æternis bonis commutavit. Non illum jam pugna inter affectus & rationem, nec utriusque cum lege Dei & Spiritu excruciat: nihil jam ignorantia, nihil iniquitatis habet, quod deploret: nihil molestia



molestiæ à carne, mundo & mundi principe, quod sentiat: anima in paradysum & sanctum Dei sinum suscepta cum Christo capite ac sponso suo versatur, & scientia ac sanctitate perfecta Deum celebrans, summis æternisque gaudijs perfruitur. Vixit hætenus nobiscum, Deo & alijs potius quam sibi: nunc cum Christo, beatis Angelis & universa civitate cœlesti, vivit Deo & sibi, cursu consummato, fide servata, corona iustitiæ donatus in cœlis. Et ut ille vitæ huic mortali commodatus, non donatus erat ita corpus terræ non donatum, ut detineat, sed commodatum, ut tandem die ultimo, cum foenore immortale & gloriosum Spiritus Christi potentia restituat, ut animæ redditum ac conjunctū cum ea in æterna felicitate vivat ac perduret.

Quod reliquum est Iohannes Casimire Iuni, cognate amicissime, qui patri optimo ad finem usque vitæ adstitisti omniaque fidelissimi filij officia præstitisti hæc meditans luctum tempera & constanter ut coepisti, perfer quod corrigere est nefas, quodque patri salutare. Non illum amisisti, sed præmisisti: ille, migratione ex hac ærumnosa vita, cum triumphante Ecclesia versatur quietus in cælo: tu nobiscum in solo, imo in solo, tempestatibus varijs obnoxio, commoraris. Non illius causa atram vestem indue: qui jam albis Christo dante, indumentis, gaudij & gloriæ insignibus, est ornatus: sed tua, sed nostra, qui, Deo ingratitude nostram castigante discessu illius, tanto lumine & columine orbatī sumus. Sed nihilominus Dei clementiæ confide. Mortalem non vides parentem oculis corporis? ne invidere ei hanc felicitatem: vide potius oculis fidei parentem immortalem Deum, qui te videt ac curat & parenti tuo caducam hanc vitam commodarat. *Vita data est utenda, data est sine foenore nobis mutua, nec certa persolvienda die.* Eam iuste ac lubens nunc persolvit: tu ne reposcas iniuste ac frustra. Adspira potius ad eandem felicitatem. Perge patris exemplo *ea discere in terris quorum scientia tibi profutura est in cœlis:* ita pie vive ut, quum Deus te evocarit, eadem via & constantia ad cœlum conscendas. *Sit tibi vita, Christus; & mori, lucrum.* Interea tem-



poris me tibi totique familiæ, affinitatis vinculo, paternis meritis & ingenij tui morumque probitate, devinctissimum, existimato. Vos verò collegæ honorandi, eximij hujus viri, qui vos amavit, plus quàm sese, quem ad officia vobis præstanda semper promptissimum estis experti, memoriam colite & in liberis amate ac fovete. Vos etiam amplissimi hujus urbis consules ac senatores, insignis hujus Theologi, qui Academiam & civitatem Leydensem sui nominis & scriptorum celebritate & institutionis doctrina ac diligentia singulari, amplificavit plurimum, qui auditores ad pietatem ac probitatem inflammare nunquam destitit, qui que munificentiam vestram & favoris vestri erga se declarationem prolixè ante morbum suum prædicavit, hujus (inquam) memoriæ favere pergite & (ut cygnea quasi cantione ac cautione rogatos etiam vos voluit) laboranti facultati nostræ, ex usu & honore maximo Academiæ, consulite & Iunij familiam humanitate vestra sublevate. Quod ut omnino mihi persuadeo, ita ad vos me converto, ornatissima nobilissimorum & doctissimorum auditorum corona, qui præceptorem præstantissimum, monitorem saluberrimum, & patronum fidelissimum amisistis, piæ illius memoriæ & liberis favete & Iunij virtutes cum in vitam in morte, tanquam speculum vobis proponite: ut eadem pietatis via ad astra & coeli regiam enitentes, emenso mortalis hujus vitæ curriculo, eo tandem pertingatis. Hic summus honor est, quem & à vobis postulavit vivus, & ei debetis mortuo. Omnes denique Iunium, Elisæi, ad Eliam in cælum migrantem, verbis, agnoscamus nobis, eximia sua eruditione, pietate, diligentia (quibus Ecclesiam & veritatem adversus vitiorum & errorum catervas propugnavit) verè fuisse quasi communem quendam *parentem, currus Israël & equites illius*. Ac Deum precemur, ut nostri misertus, illustrium dominorum Ordinum & amplissimorum dominorum Curatorum & amplissimi Magistratus Leydenensis consilia dirigat, ut nostræ facultati, duobus suis luminibus, Iunio & Trelcatio, orbata, ita consulant, ut doctissimus Theologis conquisitis instruat Academia: quo  
progressu



progressu temporis ex ea, multi possint, Deo dante, prodire, qui si non duplam (ut Elisæus cupivit & obtinuit) Spiritus habeant Iunij & Trelcatij, eorum tamen vestigijs insistentes pro virili imitentur. Deum etiam postremò supplices oremus, ut difficillimishisce temporibus Illustrissimum Principem Mauritium, Ordines illustrissimos, nobilissimos & amplissimos dominos Curatores, amplissimum hujus urbis Magistratum, magnificum Academiae Rectorem & Professores, Ecclesiam & Academiam regionemque universam, tueatur ac conservet. Dixi.



FRANCISCI GOMARI

In Obitum

D. FRANCISCI IUNII

Theologi eximij, ductoris ac doctoris in Academia  
& Ecclesia Leydensi præstantissimi,

ELEGIA.

**C**VR ita continuis Phœbeæ lampadis ignes  
Nubibus & Phœbes lumina tecta latent?

Cur ita perpetuis cæli inclementia nimbis  
Horret, & insolitum crebra procella furit?

Scilicet, in cælum meliori parte receptos,

Luxurians Batavo corpore terra tegit,  
Terra tegit nostri Phæbum Phæbenque Lycæi:

Iuni, Trelcati, corpora condit humus.

*Nos*



Nos miseros! gemino sublato lumine, gressus

Quis regat? in tenebris quis modum ostendat iter?

Viderat, & nostram sortem miseratus Olympus

Flevit, & assiduis ora rigavit aquis.

Et quia mortales tenebras magis luce probarunt,

Nec placuit flatus lenior aura sacri:

Cœlitus altitonans, iram testatus acerbam,

Æolij solvit claustra tremenda specus.

Parce Deus! meritas iræ depone procellas,

Tincta tui gnati sanguine corda lavans.

Vos, quorum imperium nostris dominatur Athenis,

Et premitis Batavi sceptrâ benigna soli:

Vos, quorum sapiens oculus curaue paterna

Invigilat nostris nocte dieque bonis:

Ferte citi auxilium, vestris virtutibus aptum,

Curantes fida vulnera nostra manu.

Et qui viventis redamastis commoda Iunî,

Pignora propenso pectore suscipite.

Nec fonte labra prolui caballino, nec in bicipiti somniasse Parnasso  
memini, ut repente sic poeta prodirem: nec inter poetas nomen  
profiteor meum. Spero tamen benignos mihi fore quos  
natura & ars ad poësin conformarunt, si (quod indignatio  
interdum facit) mihi officium & amor versus hosce im-  
politos expresserint. Agnoscent igitur animum & si, tan-  
quam anser inter olores, semipaganum quid concinam,  
pro sua humanitate ignoscent & offensionem reliquam, se-  
quentium lacrymarum suavitate, diluent.



Lacrymæ  
ACADEMIÆ LEYDENSIS,

*In Obitum*

D. FRANCISCI IUNII,  
Theologi eximij, ductoris & doctoris,  
in Academia & Ecclesia Ley-  
densi, præstantissimi.

(A)

C

SANCTIS



SANCTISSIMIS

*Incomparabilis Optumique Viri,*  
 Doctoris FRANCISCI IUNII,  
 Primarij  
 in Academia Lugdunensi  
 SS. THEOLOGIAE  
 Professoris,

Manibus Mœstissimus Fundebat  
 Mœstos Iambos

PAVLLVS G. F. P. N. MERVLA

*eiusdem Academiae Rector*

L. M.

**E**RGONE semper lacrumosis in mori  
 Mœroribus, Nobis futurum proprij  
 Instar Peculi? Ergone Luctus pristino  
 Nobis recurret indies atrocior?  
 Ergone Nostros cruditus Animos diu  
 Conduplicata lancinabunt Funera?  
 Heu, heu: Querelis tempus æternum manet.  
 FVERE, plangebamus anno, BONTIVS  
 Et HEVRNIVS: harno plangimus, TRELCATIVS  
 FVIT, FVITQVE IVNIVS: Chrysostomo  
 TRELCATIVSQUE IVNIVSQUE compares;  
 Nostrique seculi Galenus BONTIVS;  
 Alterque nuper Æsculapius, HEURNIVS.  
 Quod ultimum in Nos Morta vulnus edidit,

(An)



(An quod Reliquis recentius?) sævissimum  
 Sanè fuisse maximumque sensimus.  
 De IVNIO sermo 'st Mihi; de IVNIO,  
 Quem Morte raptum voce lugent flebili,  
 In Belgica Sedes quibus 'st, Ecclesiæ,  
 Promississimus quīs Confusus in Dubiis fuit  
 Semper: Gemunt quem contuentes, Stamine  
 Rupto, jacere, Gallia & Germania:  
 Quemque expedisse, quod superat Nobis Iter  
 Sensim exsequendum, Europa suspirat; tamen  
 Ipsi nec-invidens Suam, sed gratulans,  
 Felicitatem, Parca quam, haud parcè, attulit:  
 Quo voce conclamato ab omnibus ultima,  
 Academia, signis arculis sua prævidens  
 Dispendia, claris tota lamentis sonat,  
 Ab ore docto docta quæ non amplius  
 Oracula 'st lectura: pro Dolor gravis!  
 Spes parva, tantum posse leniri Malum.  
 Exempla monstrant magna, sub Polo Nihil  
 Perenne, nilque stare firmum: volvitur  
 Cursu citato vita, perpetuarier  
 Ignara, nilque quam Peregrinatio.  
 Mortalibus Mors omnibus grandi gradu  
 Festinat. ô Felicem Animam, quoi vinculis  
 Quamdiu hic ligata, Lux, Fides, Dux, amovens  
 Mentis Tenebras, CHRISTVS; & Carcer, Caro:  
 Sed hoc solutæ Ergastulo quoi Patria, x  
 C 2 Coelum;



Coelum; Triumphus quoique post Pugnam brevem  
Paratus æviterne ab magno DEO.

Post Fata ter Nobis Beatus is cluit;

Quoi quidquid inceptarit, adfuit Suus  
Iudex, DEVS; Quoi pura conscientia.

Testis potens; Quoi que adstitit Mundus senex,

Spectator; æstuaufque Quoi Livor, jugis

Fuit Comes. Sed quid! Levamen in Malis

Lene, eruditus quod superfit Ingeni

Thesaurus excelsi, nec omne demserit

Quidquid Tuum, IUNI, vel acri mors impetu

Obliviosis obruerit Silentijs.

Exemte, IUNI, Rebus humanis, vale;

Transvecte supra Fornices cœli, vale,

Veraque macte Gloria, IUNI, vale.

Dolore fractus, unicum quod effici

Pote 'st mihi, fundo, horridos licet, tamen

Versus amicis irrigatos Fletibus;

Superstiti quæ danda fuerat, Gratiam

Sero redandruans Sito, sed serio;

Solvensque, quæ fas, Iusta Denicalia.

*Illustris*



*Flustris & omnigena eruditione  
excellentissimi viri*

D. IOSEPHI SCALIGERI,  
ejusdem argumenti carmen.

**I**VNI, quem modo literis potentem,  
Pleni Gymnasij frequente cœtu,  
Cingebat docilis corona pubis  
Docto pendula differentis ore:  
At nunc, o series iniqua rerum,  
Tactus sidere pestilentis auræ  
Sol pallentibus occidis tenebris!  
Te mœrens Schola flet suum Magistrum,  
Orba Ecclesia te suum parentem,  
Doctorem gemit orbis universus.  
Flent flent, non uti vulgus imperitus,  
Quem morbus docet ipse, quid valere est,  
Quanti est filius, orbitate discit,  
Qui nec denique quid potitus olim est,  
Sed quid perdiderit, solet putare.  
In te longe alia est vicissitudo:

C 3

Nec



*Nec quantus fueris, carendo discit,  
 Qui vivi meritum aestimavit olim.  
 Et nunc conscia publicæ querelæ  
 Postquam tristia te tulere fata,  
 Et clarum jubar abstulere Mundo,  
 Nos quid perdidimus, quid & dolendum est,  
 Non scimus magis, at magis dolemus.*

*Duabus horis post mediam noctem in lectulo.*

**H**EV quæ vicissitudo res mortalium  
 Reciprocatis versat æstibus rotans:  
 Elatus est nuperrime TRELCATIVS,  
 Batavicæ ille magna portio Scholæ,  
 Verbi sacрати Doctor & præco optimus,  
 Summis & imis æquè amatus omnibus,  
 Magno relicto desiderio sui.  
 Honore quem dignatus extremo, fuit  
 Oratione prosecutus funebri  
 Amicus & collega conjunctissimus  
 FRANCISCVS ille, flos Lycei, IVNIVS.  
 At nunc acerba fata, fata lurida  
 Heu IVNIVM addidere & ipsum Pluribus.  
 Ergo occidit prælustre sidus Gallicæ,  
 Magno haud secundus Biturix Vezelio;

E|cujus



E cuius ore & lectionibus sacris  
 E cuius ore & concionibus sacris  
 Pubes Batava & extera Leydicæ Scholæ  
 Imbuta puriore cultu est Numinis:  
 Cuius labore insomnibusque noctibus  
 Accensa sacris splendida fax est literis.  
 Nunc aureum illud IUNII os mutum tacet,  
 Nunc aureus ille IUNII stilus jacet.  
 Batavaque ingens vulnus accepit Schola.  
 O dira fata, & asperæ rerum vices!  
 En, IUNIVS TRELCATIVM qui planxerat  
 Nunc a GOMARO affine caro plangitur,  
 Pulsatque cor grauis audientium dolor,  
 Queis tot periere in vno IUNIO bona.  
 Sed quid iuuant lamenta, quid querimonia?  
 Sic ille summus arbiter vitæ Deus  
 Decrevit; huic obmurmuravisse est nefas.  
 Orandus ille supplice est nobis prece,  
 Miti ut malagmate vulnus istud leniat;  
 Ille inuocatus defuit vnquam nemi ni.  
 At te, GOMARE, qui rei Theologicæ  
 Nunc omne, ut Atlas, sustines humeris-onus,  
 Academia diu sospitem seruet Deus,  
 Nec fata te nisi æui saturnum huic auferant.

BON. VVLCANIUS M. P.

P. BARTII



P. BERTII

ad C. L. V. D. FRANCISCVM IVNIUM  
morientem alloquutio.

**E**RGO hinc abibis! ah pater, pater, pater!  
Ah currus Israëlis! ah equitum manus!

Quid hinc ad altas transuolas celi domos,  
Orbemque nostrum anhelus Ultrò deferis,  
Orbem inuenustum, negligentem numinis,  
Suique amantem & prodigum tamen sui?

Qui falsa Veris miscet, & nocti diem,

Oblivionis obtegitque supparo

Quæ publicari iussit ille Maximus,

Ille Orbis autor, ille regnator poli.

Subsiste paullum, nosque consili tui

Linguaeque doctæ, doctioris dexteræ

Artisque egenos, adiuva; subsiste dum.

Ergo hinc abibis? ah pater, pater, pater!

Ah currus Israëlis? ah equitum manus!

in Obitu



*In Obitum*

Clarissimi &amp; Reverendi Viri

D.D. FRANCISCI IUNII

*S.S. Theologiae Doctoris & Professoris in Illustris.**Lugduno-Batava Academia dignissimi.*

» **A**MISSA poscunt lachrymas : praesentium  
 » Secura rerum turba, mortales, fumus,  
 » Ingrata Vivis, aestimatrix funerum.

» Hinc cum supremus instat exactor Deus

» Foresque pulsât, evocatque, condimus

» Anile moestis carmen ejulatibus.

» Hic ordo vitae est : quaelibet Sic fors perit,

» Placetque fero, quidquid ereptum nocet.

Viator asta : Victor ille Romulae

Gentis pavorque, Septimontij metus

Denatus illo conditur sub marmore.

Illum Batavus nominis tanti memor

Fidele pignus servat, atque orbem docet

Fovere vivos, Lachrymare conditos.

Nunc ille noster praepete evectus gradu

Cognata cernit sydera, &amp; mundum novum

Mundum citatis igneum flammæ notis.

Quem nec Batava puppis, Indorum sali

Superba victrix, hospes aut vagus poli

Ales secundo permeavit remige.

Nos triste munus, lachrymaeque perpetes,

Fraterque nigræ mortis exercet dolor,

Donec vocamur, parque nos jubet dies

Fatale magno reddere expensum Deo.

Gemas Viator : lachrymas urbs te rogat:

Gemas Viator : causa nos duplex premit:

LEIDAE SEPULCHRUM, IUNII BUSTVM VIDES

DANIEL HEINSIUS.

D

Hvgo-



## HUGONIS GROTH.

**Q**UANTUM nec veteris Mausoli saxa, nec audax  
 Pyramidum Pharus surgit in astra labor,  
 Hoc tumulo plus Rege jacet: tam nobile marmor  
 Eoæ quondam non habuistis opes.  
 Ille diu toti nomen venerabile Terra  
 IUVIS, ex totâ mortuus illud habet:  
 Non qui Tarquinius Tarpeia depulit Arce;  
 Non qui Casareo sanguine tinxit humum:  
 Mitius ingenium fuit huic, cui candida virtus,  
 Cui placuit sanctæ Pacis amica quies.  
 Sed tamen hunc etiam Romæ metuere Tyranni:  
 Hoc quoque Libertas vindice tuta fuit.  
 Ille triumphato toties errore quadrigis  
 Invectus tenuit Religionis iter.  
 Victa Superstitio divinæ præmia laurus,  
 Et Pietas illo præside leta dedit.  
 Orba parente domus, pubes studiosa Magistro,  
 Quod doles, & lachrymat, ne putet esse suum.  
 Privati non sunt in tanto funere questus:  
 Humani generis publica cura perit.  
 Collachryment gentes, & fletus fletibus Orbis  
 Misceat: ad cunctos pertinet ille dolor.  
 Gallia ut ereptum dignè lachrymaret alumnum,  
 Contulit huc undas ipse Garumna suas.  
 Hospitis exsequia tristem traxere Lemannum,  
 Cui Rhodanus sociâ sponte cucurrit aqua.  
 Nec tantum tenui lachrymat Germania Nicro,  
 Contentusque suo gurgite Mosa fuit;  
 In Rhenum fluxere simul, quem maxima luctus  
 Damna tenent ipsâ proximitate mali,  
 Atque utinam posset Cattorum littore rupto  
 In delagus lachrymas exonerare suas.

Impendit



*Impendit totam vicina Britannia Tethyn,  
 Sarmaticæq; procul tabuit unda nivis.  
 Pegaseos efflet ploratrix Mæsa liquores,  
 Orpheo quondam funere mæsta minus.  
 Sufficiunt amnes? an Cælo poscimus imbrem?  
 Nil nimis est, & plus imputat ille Polo.  
 Hunc meritò Lethe meminisses ipsa dolorem,  
 Et sua Mors stygijs crimina fieret aquis.*

*In Obitum*  
 Nobiliss. ac præstantissimi  
 THEOLOGI  
 FRANCISCI JUNII.

**Q**UOD si nunc aliquis planctûs corradat in vnum  
 Quos habet hic præsens Orbis & alter habet:  
 Attamen exuperet noster: Proh tristitia FATA!  
 Exequias magno lux parat ista viro.  
 Ite mei Cives; lachrymis diducite pectus:  
 Curriteque effusis antè sepulcra comis.  
 Nempè ille, ah, nempè, ah, discessit JUNIUS, ille,  
 O BATAVI, vestrum qui iubar unus erat.  
 O tristes casus, ô lamentabile FATUM,  
 Numinaque ô, nostris invidiosa bonis:  
 Ah quantas nobis lachrymas gemitusque cietis?  
 Non satis ad luctus una ruina fuit?  
 Vixdùm compositus gelidâ TRELCATIVS urnâ  
 Ardet in extructo corpus inane rogo:  
 JUNI etiam cineres nos inspectare iubetis,  
 Lectaque purpureis ossa fouere rosis.

D 2

Quæ'nam



Quæ nam ista invidia est: quæ mens tam barbara fuisset

Hunc rapere, & tanto nos spoliare viro?

Quæ nam istæ, ô Superi, vibrati fulminis alæ,

Quæis SACRA penè solo corruiet icta DOMVS?

Certè homines, docti sua gaudia rapta queruntur,

LEIDAQUE præconem non habet orba suum.

PORRO Municipēs, multum amisistis in uno;

Quis negat? aut quis non tam manifesta videt?

Hic poterat gravitate omnes, vitæque tenore

Ducere, iam nostrâ factus in urbe senex.

Hic poterat doctos, ut cœperat, edere libros;

Mysticaque æterni pandere SACRA Dei.

CARPOCRATASQUE ipsos pessum dare, multa que tanta;

Quæ mea præ nimio Musa dolore tacet.

Quod reliquum est, superanda gravis iactura ferendo est:

Nec SUPREMA potest ire redire DIES.

Sit satis evulsos donasse in funere crines,

Osculaque arfuro summa dedisse thoro.

Sit satis & magnâ MANES ter voce vocasse,

Et populum rasis indoluisset genis.

Quid quod & hic non sit lachrymarum flumine tanto

Flendus, ab excessu cui nova vita venit.

IVNIVS ille, inquam, devictâ morte triumphat,

Et propius summo gaudet adesse Deo.

Vnum hoc, quod nostros possit lenire dolores,

Atque animi tantas tollere divitias.

*Quas sanè ego non paucas in isto pectusculo meo sentio,*  
qui has

LACHRYMAS,

*Desiderij testes, statim ab ipso funere*  
*mærens fundebam*

P. S.



## V. CL.

FRANCISCO IUNIO

## Epitaphium.

**I**VNIVS ergo abiit, Bataue lux aurea gentis;  
 Et quem vix orbis, nunc brevis urna capit?  
 Quis lamenta mihi dicet, quis flebile Carmen;  
 ATROPOS, inque tuum non bona vota caput?  
 Siccine tam sancto tollis de vertice crinem;  
 Diaque, quæis poteras parcere, fila secas?  
 En, facinus pullato ECCLESIA luget amictu,  
 Et sua GYMNASIVM nobile damna gemit.  
 Et plorat PIETAS, & sparsos scissa capillos  
 Persoluit cineri tristia iusta pio.  
 Sertaque dat lacrymis VIRTUS manantia, mittit  
 Inferias tumuli in vertice cana FIDES.  
 Sic tamen æterno decurrunt ordine fata,  
 Vertitur arbitrio sors sua cuique Dei.  
 Illaque adhuc ratio est animum quæ temperet agrum:  
 Debuit hoc cælo, quod dedit, ipse suo.

IOANNES MEYRSIUS.

D 1

CHRO-





# CHRONOSTICHA.

I.

Ter septena Dies oCtobrIs bInaqVe fVLget:

FranCIscVs qVanDo (heV!) IVnIVs oCCVbVIt.

II.

Hora sonat DVoDena, est LVX VICenaqVe trIna.

O CtobrIs : peste Vt IVnIVs hICCe IaCet.

III.

CLarVs obIVIt Vbi FranCIscVs IVnIVs ILLe:

Dena bls oCtobrIs trInaqVe VIJa Dies.

P. à GISB.



COM-



COMPLAINTE  
sur le rrepas de  
MONSIEVR DV-ION,

*Docteur & Professeur de l'Academie de*

LEYDEN.

**A**Nnée à nos malheurs dès Ianvier conjurée,  
Année qui ravis, du monde le plus beau,  
Par deux morts tu rendis l'Vranie navrée,  
Mais, hélas! à ce coup tu la mets au tombeau.  
En Ianvier tu taris ce torrent d'Eloquence,  
TOUSSAIN, de qui la voix s'eslevoit jusqu'aux cieux,  
Et en Aoust tu sechas ceste mer de science,  
TRELCAAT consolateur & prescheur gracieux.  
Mais en Octobre, hélas! tu ravis en une heure  
Le torrent de bien dire, & la mer de sçavoir,  
L'Oracle, que le ciel, que tout le monde pleure.  
Du-ION l'incomparable, & des bons le miroir.  
France marqué de noir ceste dure journée,  
Alemagne à ce coup prens hardiment le dueil,  
Holande avec le sac pleure ta destinée:  
Vostre dernier Soleil est mis sous le cercueil.  
O mort, cruelle mort, à nos malheurs hardie!  
Oses-tu bien fermer ceste bouche de miel,  
Ceste langue, ce cœur, ce temple d'Vranie?  
Tu nous ravis, cruelle, & l'Eden & le ciel.

D 4

L'Edem



L'Eden qui dans LEYDEN se faisoit voir n'aguier,  
 Par ce triste deluge est ores emporté:  
 Le ciel qui du Seigneur, nous donnoit la lumiere  
 Par ce nuage espais nous est du tout osté.  
 Adieu la fleur de lis, l'ornement de ce monde,  
 TOUSSAIN, TRELCAT, Du-ION, sont du monde  
 cueillis,  
 Dieu trin-un veut ces trois; aussi la terre ronde  
 Ne meritoit d'avoir un si riche & beau lis.

### Sonet.

*H* rance prodigue en prêts, en pertes malheureuse,  
*R* eçoy de tes delais un regret douloureux:  
*A* voir le fruit du tien tu ne peux quand tu veux;  
*N* e voulant quand tu peux: qui refuse apres muse  
*C* herche par l'Vnivers ta bague precieuse,  
*O* r' au ciel, or' en terre, elle est en tous les deux;  
*I* l ne reste aux vivans que son nom precieux:  
*S* ans doute Dieu reprent le bien dont tost on n'use  
*D* epuis que Du-ION fut à l'Holande presté,  
*V* n chascun vid par trop ton malheur apresté;  
*I* l n'est plus grand malheur que soublier soy mesme.  
*O* r' apren à ton dam de bienfaire aux voisins,  
*V* oyant le pouvre estat de tes filz orphelins:  
*N* ul ne doit pour autrui nuire aux enfans qu'il aime.

PHILIPPE DU-PIN.

LARMES



## L A R M E S

A la memoire & regrets Funebres sur la mort de  
Noble, Tres docte & tres reuerend.

F R A N Ç O I S D V - I O N .

Docteur & Professeur en Theologie en  
L'Vniuersité de Leiden.

## O D E .

**L** Ciel la Mer & la Terre  
Font la guerre  
A tout ce grand vnivers:  
Dieu, armé d'ire & de foudre  
De sa poudre  
En veut engrossir les airs.

Il voit, las! que ses menaces  
Ni ses graces  
Ne nous font penser a nous:  
Que plus d'une amour extreme  
Il nous aime  
Nous provocons son courroux.

Il le fist asses paroistre  
Ce doux Maistre,  
Privant son petit troupe au  
De sa brillante chandelle  
Claire & belle  
Qu'ont les Cieux & le tombeau.

Mais maintenant sa cholere  
Peu seuer  
Regardant a nos forfaits:  
Vient chastier nos malices  
De supplices  
Qui dureront a jamais.

Il a nostre seul Apolle  
En son pole  
Retiré a ceste fois:  
Et Diane a nostre vie  
Porte envie  
Ne veut plus garder ses loix.

Nous serons donc en tenebres  
Trop funebres  
Et ne verrons plus le jour!  
Ouy, car l'ornement du Monde  
Et de l'onde  
D V I O N, las! a fait son tour.

Il esclaire aux champs d'Elise  
Et l'Eglise  
Vit en eternelles nuits.  
Il cocuilt maintenant les roses  
Qu'ont escloses  
Ses travaux & ses ennuits.

Pleure donc toute l'Europe  
Et la trope  
De Calliope & ses sœurs:  
L'aschez des torrens da larmes  
Foibles armes  
Plaignez au moins vos malheurs.

Que



Que vos plaintes continues  
 Jusqu'aux nues  
 Volent plus viste que dards:  
 Celui d'autant se soulage  
 Qui sa rage  
 Raconte de toutes parts.

Et si vous ne pouvez plaindre  
 Et espraindre  
 Des larmes ni des regrets:  
 Le Ciel tout fâché en pleure  
 A ceste heure  
 Et ne tient les siens secrets.

Quoi que le Ciel te devance,  
 Chere France  
 Tu ne le permettras pas:

Plustost, plustost il desbonde  
 Sa grand bonde  
 Et t'envoie au froid trespas.

Facent Flandre & les Almagnes  
 A ses Manes  
 Tant de regrets qu'ils voudront:  
 Pour moi te scai que ma vie  
 Est finie  
 Et que mes pleurs la noieront.

Las comment pourrois-je vivre  
 Et ne suivre  
 Ce beau Soleil radieux!  
 Il est meilleur pour ceste heure  
 Que je meure  
 Que vivre icy langoureux.

*A lui mesme*

*Sonnet.*

**B**ien qu'on puisse Vanter l'honneur de la bruyere,  
 Du thim, du serpolet & du genest amer:  
 Qu'on puisse aussi parler d'une claire Riviere  
 Qu'on peut passer a gué sans crainte d'abyssmer:

On ne peut des hauts pins ni de Thetis la fiere  
 On craint un rude saut; ou les golfes de mer;  
 Ainsi du ION fournit tant & tant de matiere,  
 Qu'on ne peut pas pour lui dignement s'animer.

Thetis embrasse tout sous la machine ronde:  
 Ce beau soleil du ION esclaire a tous le monde  
 Ses escrits lui servants de cent mille flambeaux

*Qui*



*Qui pourroit donc chanter une telle personne  
Ou l'entomber icy deffous une coulonne  
Quand l'Vniuers lui sert d'escrits & de tombeaux?*

### *Quatrain.*

Si les pourtraits de Timante & d'Apelle.  
Ont r'animé les morts malgré le sort  
Du ION sans eux nous fuit voir la pareille  
Il vit de mesme en despit de la mort.

R. I. de NEREN.

### EPITHAPHE

De Noble, tres-Docte, & tres-Reverend

Mr. DV ION

Docteur & Professeur en Theologie en la  
celebre Academie de Leyden.

**V**oyageurs, qui voules voir le Phœnix vnique  
Et qui pour cet effect vagues par l'Vniuers.  
Ne coures, ne coures vers la terre Arabique,  
Et n'alles plus errans per terres & par mers.  
Il n'y à de Phœnix en ceste terre ronde:  
Que c'il qui gist icy, deffsous ce noir tumbeau:  
C'est le docte du ION, qui de la terre & l'onde  
Estoit seul admiré, comme vn Phœnix nouveau.

Nul.



Nul oyseau ne se trouue au Phœnix comparable;  
 Il vit unique & seul deffous le firmament:  
 Du ION qui gist icy, n'auoit point de semblable;  
 Et estoit sans pareil, tant il estoit scauant.  
 Le Phœnix ne paroist, qu'ès deserts Arabiques:  
 Et se faiet renommer par tout le pole rond,  
 Du ION ne paroissoit, qu'ès terres Hollandiques,  
 Mais ses doctes escripts à tous monstrent son frond.  
 En tout, par tout, & tout il estoit comparable,  
 A l'unique Phœnix: hor-mis las en ce point!  
 Des cendres du Phœnix il renaist un semblable,  
 Mais d'esgal à du ION il n'en renaistra point.

DE COIGNEE.

FIN.





